

JAVNA USTANOVA NARODNA I UNIVERZITETSKA BIBLIOTEKA „DERVIŠ SUŠIĆ“ TUZLA

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03 i 34/03 i 65/13), člana 34. i 35. Zakona o bibliotečkoj djelatnosti („Službene novine Tuzlanskog kantona“ broj 5/00, 15/11 i 7/17) a u vezi sa tačkom II Odluke o utvrđivanju uslova i kriterija za imenovanja u regulirane organe („Službene novine Tuzlanskog kantona“ broj: 4/12, 6/12, 8/14, 12/15 i 14/15), članom 21. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla (Službeni glasnik Grada Tuzla broj: 11/15 i 1/20), člana 20. Pravila Javne ustanove Narodna i univerzitetska biblioteka „Derviš Sušić“ Tuzla broj: 272/12 od 10.04.2012. godine, broj: 547/15 od 30.06.2015. godine, broj: 754/17 od 19.09.2017. godine i broj: 235/19 od 28.03.2019. godine i Odluke Upravnog odbora broj: 612/23 od 24.8.2023. godine, Upravni odbor Javne ustanove Narodna i univerzitetska biblioteka „Derviš Sušić“ Tuzla raspisuje

JAVNI KONKURS ZA IZBOR I IMENOVANJE DIREKTORA JAVNE USTANOVE NARODNA I UNIVERZITETSKA BIBLIOTEKA „DERVIŠ SUŠIĆ“ TUZLA

Raspisuje se Javni konkurs za izbor i imenovanje direktora J.U. Narodna i univerzitetska biblioteka „Derviš Sušić“ Tuzla (u daljem tekstu: Biblioteka) na period od 4 (četiri) godine sa mogućnošću ponovnog imenovanja u skladu sa Zakonom.

Opis poslova direktora Biblioteke:

- organizuje i rukovodi radom Biblioteke,
- zastupa i predstavlja Biblioteku prema trećim licima i odgovoran je za zakonitost rada Biblioteke,
- predlaže Upravnom odboru mjere za efikasno i zakonito obavljanje radi kojih je Biblioteka osnovana,
- predlaže Upravnom odboru unutrašnju organizaciju i sistematizaciju poslova i osnove planova rada i razvoja,
- izvršava Odluke Upravnog odbora,
- podnosi Upravnom odboru izvještaj o finansijskom poslovanju,
- odlučuje o pravima, obavezama i odgovornostima radnika iz radnog odnosa,
- obavlja i poslove i zadatke u skladu sa Zakonom i Pravilima Biblioteke.

Za imenovanje na poziciju direktora Biblioteke kandidati moraju ispunjavati sljedeće opće uvjete:

- da su državljani Bosne i Hercegovine (dokaz: uvjerenje o državljanstvu ili ovjerena fotokopija CIPS-ove lične karte),
- da su stariji od 18 godina, ali ne stariji od 65 godina (dokaz: izvod iz matične knjige rođenih ili ovjerena fotokopija CIPS-ove lične karte),
- da su zdravstveno sposobni za obavljanje poslova direktora (dokaz: uvjerenje o zdravstvenoj sposobnosti ne starije od tri mjeseca – dostavlja izabrani kandidat),

- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objavljivanja upražnjene pozicije (dokaz: kandidati koji su zaposleni ili su bili zaposleni u državnoj službi dužni su priložiti uvjerenje ili potvrdu nadležnog organa, a oni kandidati koji nisu radili u državnoj službi dužni su priložiti izjavu ovjerenu od strane nadležnog organa, ne stariju od 3 mjeseca),
- da nisu osuđivani za krivično djelo (dokaz: izjava kandidata ovjerena od strane nadležnog organa, ne starija od 3 mjeseca),
- da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti (dokaz: izjava kandidata ovjerena od strane nadležnog organa, ne starija od 3 mjeseca),
- da se na njih ne odnosi član IX. 1. Ustava Bosne i Hercegovine (dokaz: izjava kandidata ovjerena od strane nadležnog organa, ne starija od 3 mjeseca),
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama Vlasti u Federaciji BiH („Službene novine Federacije BiH“ broj: 70/08), (dokaz: izjava kandidata ovjerena od strane nadležnog organa, ne starija od 3 mjeseca).

Pored ispunjavanja opštih uslova za imenovanje na poziciju direktora Biblioteke, kandidati moraju da ispunjavati i sljedeće posebne uslove:

- da imaju VII stepen stručne spreme ili visoko obrazovanje prvog stepena Bolonjskog sistema studiranja koje se vrednuje sa 240 ECTS bodova iz oblasti društvenih nauka (dokaz: ovjerena kopija diplome),
- da imaju najmanje 5 godina radnog iskustva u oblasti kulture ili obrazovanja poslije sticanja odgovarajuće stručne spreme (dokaz: uvjerenje ili potvrda o radnom iskustvu iz kojeg je vidljivo da kandidat ima potrebno radno iskustvo, original ili ovjerena kopija),
- da se odlikuju stručnim, radnim i organizacionim sposobnostima,
- da nisu imenovani za direktora Biblioteke dva ili više puta (dokaz: izjava kandidata ovjerena od strane nadležnog organa ili potvrda izdata od strane Biblioteke, original ili ovjerena kopija)
- da nisu članovi upravnog, izvršnog ili drugog organa političke stranke (dokaz: izjava kandidata ovjerena od strane nadležnog organa ne starija od 3 mjeseca),
- da nemaju privatni finansijski interes u Biblioteci (dokaz: izjava kandidata ovjerena od strane nadležnog organa ne starija od 3 mjeseca),
- da nisu članovi upravnog ili nadzornog odbora druge javne ustanove, privrednog društva ili druge institucije, a ako jesu kandidati će dostaviti ovjerenu izjavu da će po konačnom imenovanju odstupiti sa pozicije u roku od 7 (sedam) dana od dana imenovanja (dokaz: izjava kandidata ovjerena od strane nadležnog organa ne starija od 3 mjeseca),
- da nisu dioničari sa 50% i više dionica, direktor ili član uprave bilo kojeg dioničkog društva kao i vlasnik sa 50% i više vlasništva, direktor ili član uprave bilo kojeg društva sa ograničenom odgovornošću (dokaz: izjava kandidata ovjerena od strane nadležnog organa ne starija od 3 mjeseca).

Kandidati su obavezni prilikom prijavljivanja na javni konkurs dostaviti Program rada i razvoja Biblioteke za četvorogodišnji period.

Za kandidate koji ispunjavaju opće i posebne uslove navedene u ovom konkursu, prilikom postupka konačnog imenovanja na poziciju direktora Biblioteke, uzet će se u obzir i kriteriji

definisani tačkom VII Odluke o utvrđivanju uslova i kriterija za imenovanja u regulirane organe – prečišćeni tekst („Službene novine Tuzlanskog kantona“ broj: 4/12) i Odluke o izmjenama i dopunama Odluke o utvrđivanju uslova i kriterija za imenovanja u regulirane organe („Službene novine Tuzlanskog kantona“ broj: 6/12, 8/14, 12/15 i 14/15).

Uz prijavu koja treba da sadrži kraću biografiju, adresu, e-mail i kontakt telefon, kandidati su dužni priložiti dokaze o ispunjavanju navedenih uslova.

Dokumenti navedeni uz prijavu moraju biti originali ili ovjerene kopije, ne starije od 3 (tri) mjeseca.

Svi kandidati koji budu stavljeni na listu sa užim izborom biće pozvani na intervju.

Potpisanu prijavu sa dokazima o ispunjavanju uslova konkursa potrebno je dostaviti u roku od 15 (petnaest) dana od dana posljednjeg javnog objavljivanja konkursa.

Konkurs će biti objavljen u „Službenim novinama Federacije BiH“ i dnevnom listu „Večernji list BiH“.

Prijave sa traženim dokumentima dostavljaju se lično ili preporučenom poštom na adresu:

**Javna ustanova Narodna i univerzitetska biblioteka „Derviš Sušić“ Tuzla
Ulica Mihajla i Živka Crnogorčevića 7
75000 TUZLA**

Sa naznakom

**(Konkursna komisija „Prijava na Javni konkurs za izbor i imenovanje direktora
Biblioteke“ – ne otvarati)**

Neblagovremene i nepotpune prijave neće se uzeti u razmatranje.

Svi kandidati će biti obaviješteni o rezultatima javnog konkursa.